

明史藁

列傳第一百八十三

光祿大夫

經筵

官明史總裁戶部尚書加七級

臣

王鴻緒奉

敕編撰

流賊

李自成

張獻忠

盜賊之禍歷代恆有至明末李自成張獻忠而極矣史冊所載未有若斯之酷者也永樂中唐賽兒倡亂山東厥後乘瑕弄兵頻見竊發然皆旋就撲滅惟武宗之世流寇蔓延幾危宗社而卒以掃除莊烈帝勵精有爲視武宗何啻霄壤而顧失天下何也明興百年朝廷之綱紀方肅天下之風俗未澆孝宗選舉賢能布列中外與斯民休養生息者十餘年仁澤

深而人心固元氣盛而國脈安雖以武之童昏亟行裨政中
官倖夫濁亂左右而本根旣非盡撥宰輔尚多老成迨盜賊
四起而王瓊獨典中樞陸完彭澤分任闡帥委寄殊專旁撓
絕少以故危而不亾莊烈帝承神熹二宗之後神宗晏安養
癰熹宗睨闔僂士元氣盡漸國脈垂絕向使熹宗御曆復延
數載則天下之亾不再傳也幸而莊烈繼統銳意更始用人
行政煥然一新然當是時臣寮之黨局已成草野之物力已
耗國家之法令已壞邊疆之搶攘已甚莊烈雖志勤宵旰治
核名實而人才之賢否議論之是非政事之得失軍機之成
敗未能灼見於中不搖於外也且性多疑而任察好剛而尚
氣任察則苛刻寡恩尚氣則急遽失措當夫羣盜滿山四方

鼎沸而委政柄者非庸卽佞勦撫兩端茫無成算至內而九
卿外而督撫救過不給大率有規利自全之心其或言語顛
直切中事弊者率皆摧折以去而所任爲闢帥者事權中制
功過莫償敗一方卽戮一將隳一城卽殺一吏賞罰太明而
後至於不能罰制馭過嚴而後至於不能制加以天災流行
饑饉洊臻政繁賦重外訐內叛譬之一人之身元氣羸然疽
毒竝發厥症固已甚危而所用之醫良否錯進所服之劑寒
熱互陳病入於膏肓而無可救爲家督者復強起自治則其
身雖欲不亾豈可得哉是故明之亾亾於流賊而其致亾之
本不在於流賊也如人之亾於疽毒者其致亾之本亦不在
於疽毒也嗚呼莊烈非亾國之君而當亾國之運又乏救亾

之術徒見其焦勞禍亂子立於上十有七年而帷幄不聞良平之謀行間未覩李郭之將卒致宗社顛覆徒以身殉悲夫自唐賽兒以下本末易竟事具勦賊諸臣傳中獨志其亾天下者立李自成張獻忠傳

李自成米脂人世居懷遠堡李繼遷寨父守忠無子禱於華山夢神告曰以破軍星爲若子已生自成幼牧羊於邑大姓艾氏及長充銀川驛役夫善騎射鬪很無賴數犯法知縣晏子賓捕之將置諸死脫去爲屠天啓末魏忠賢黨喬應甲爲陝西巡撫朱童蒙爲延綏巡撫貪黷不詰盜盜由是始崇禎元年陝西大饑延缺額餉至一百三十八萬其冬固原兵劫州庫白水賊王府谷賊王嘉靖宜州賊王左掛苗美王

子順飛山虎大紅狼等一時竝反而安塞馬賊高迎祥自成
舅也與饑民王大梁聚衆應之迎祥自稱闖王大梁自稱大
梁王二年春朝議以楊鶴爲三邊總督督諸將捕盜商洛道
參政劉應遇擊斬王二王大梁督糧道參議洪承疇擊破王
左掛賊稍稍懼會京師戒嚴山西巡撫耿如杞勤王兵譁而
西延綏總兵吳自勉甘肅巡撫梅之煥勤王兵亦潰與羣盜
合延綏巡撫張夢鯨以兵潰恚而死洪承疇代之召故總兵
杜文煥督延綏固原兵便宜勦賊三年王左掛王子順苗美
等戰屢敗乞降而王嘉胤掠延安慶陽間楊鶴撫之不聽從
神木渡河犯山西是時秦地所出曰新餉曰均輸曰間架專
備諸急費其數日增吏因緣爲奸民大困而兵科給事中劉

懋建議裁驛站歲可節金錢數十萬帝從之山陝游民仰騷
糴者無所得食俱從賊賊轉盛兵部郎中李繼貞奏曰延上
饑將盡爲盜請以帑金十萬賑之帝惜帑未發而嘉脣已黃
破黃甫川清水木瓜三堡陷府谷河曲又有神一元不沾泥
可天飛郝臨菴紅軍友點燈子李老柴混天猴獨行狼等諸
賊所在蜂起或掠秦或東入晉屠陷城堡官兵東西奔擊賊
或降或死然旋滅旋熾終莫能盡而延安賊張獻忠亦聚衆
據十八寨稱八大王四年孤山副將曹文詔破賊河曲王嘉
脣遁去已復自岳陽突犯澤潞爲左右所殺其黨共推僞左
丞王自用號紫金梁者爲魁自用結羣賊老猢猻曹操八金
剛掃地王射塌天閻正虎滿天星破甲錐邢紅狼上天龍蝎

子塊過天星混世王等及迎祥獻忠共三十六營皆聚山西
衆二十餘萬自成乃與兄子過往從迎祥與獻忠等合號聞
將未有名三邊總督鶴撫賊不效被逮洪承疇代鶴張福臻
代承疇督諸將曹文詔楊嘉謨勦賊所向克捷陝地略定而
山西賊大盛剽掠寧鄉石樓稷山聞喜河津巡撫宋統殷不
能禦五年賊分道四出連陷大寧隰州澤州壽陽諸州縣全
晉皆震動巡撫統殷罷朝議以許鼎臣代與宣大總督張宗
衡分督諸將宗衡督白安虎大威李舉賀人龍左良玉兵八
千人駐平陽責以平陽澤潞四十一州縣鼎臣督張應昌苟
伏威史記頗希牧艾萬年兵七千人駐汾州責以汾太沁遠
三十八州縣賊亦轉入磨盤山分衆爲三閫正虎據交城文

水窺太原邢紅狼上天龍據吳城窺汾州紫金梁張獻忠突沁州武鄉陷遼州六年春官兵共進力擊紫金梁懼乞降於故錦衣僉事張道濬約未定陽和兵襲之賊怒敗約去會總兵曹文詔率陝西兵至偕諸將猛如虎虎大威頗希牧艾萬年張應昌等合勦屢戰皆大克前後殺混世王滿天星姬關鎖翻山動掌世王顯道神等破紫金梁老猢猻子塊張獻忠掃地王諸賊皆積年大渠其後川將鄧玘又射殺紫金梁山西三大盜俱敗初賊之破澤州也分其衆南踰太行掠濟源清化修武圍懷慶官軍擊之賊遁走別賊復闌入西山大掠順德真定間詔以諸太監分監諸將軍督戰而大名道盧象昇已力戰却賊賊遂自邢臺摩天嶺西下抵武安敗總兵

左良玉河北三府所屬縣焚劫殆徧潞王上疏告急兼請衛
鳳泗陵寢詔特遣總兵倪寵王樸率京營兵六千人與諸將
竝進賊聞之欲從河內走太行曹文詔邀擊之不敢進而羣
賊敗於山西者亦奔入河北合營迎祥自成獻忠曹操老猢
猻等俱至京兵蹙其後左良玉湯九州等扼其前與賊戰於
青店於石岡於石坡於牛尾於柳泉於猛虎村賊累敗欲逸
阻於河大困賊素畏曹文詔張道濬道濬先坐事成過家巡
撫檄令殺賊言官論其離伍冒功下御史馮明玠覈實改戍
海寧衛去文詔轉戰秦晉河北遇賊輒大克御史復劾其驕
倨調大同總兵去賊遂詭辭乞降監軍太監楊進朝信之爲
入奏會天寒河冰合賊突從毛家寨策馬徑渡入河南諸軍

無扼河者賊遂連陷澠池伊陽盧氏三縣河南巡撫元默率諸將盛兵待之賊避弗攻竄入盧氏山中由間道直走內鄉掠鄖陽屬縣鄖陽撫治蔣允儀部兵僅七百五十人力不敵別賊又分掠南陽汝寧入棗陽當陽偪湖廣巡撫唐暉斂兵守境又犯歸巴彝陵等六州縣破夔州攻廣元偪四川所在皆告急七年春朝議特設山西陝西河南湖廣四川總督專辦賊以延綏巡撫陳奇瑜新破延方關賊有威名可總督而大名道盧象昇歷戰陣知兵可鄖陽撫治詔從之於是奇瑜自均州入偕象昇擊賊進至烏林關累逐北斬數千級賊走漢南奇瑜見湖廣不足憂乃復引兵西追擊賊始賊自澠池渡河闖王高迎祥最強自成屬焉及入河南自成乃與兄子

過結李牟俞彬白廣恩李雙喜顧君恩高傑等自爲一軍過
傑善戰君恩善謀及奇瑜兵至他賊張獻忠等奔商維而聞
王部自成等俱陷於興安之車箱峽會大雨兩月馬乏芻多
死弓矢皆脫自成急用君恩計賄奇瑜左右詐降奇瑜意輕
賊許之檄諸將按兵毋殺所過州縣爲具糗傳送賊甫渡棧
卽大譟盡屠所過七州縣而略陽大賊數萬亦來會在在告
警奇瑜坐削籍自是人皆知賊帥中李自成矣已洪承疇代
奇瑜李喬爲陝西巡撫吳牲爲山西巡撫大學士溫體仁謂
牲曰流賊癘疥疾勿憂也未幾西寧兵變承疇甫受命而東
聞變遽返迎祥自成遂蹂鞏昌平涼臨洮鳳翔諸府數十州
縣敗賀人龍張天禮軍殺固原道陸夢龍圍隴州四十餘日

承疇檄總兵左光先與人龍合擊大破之會朝廷亦命豫楚
晉蜀兵四道入陝迎祥自成遂竄入終南山已而東出陷陳
州靈寶汜水滎陽聞左良玉將至移壁梅山漆水間部賊拔
下蔡燒汝寧郭承疇又奉旨出關追勦給事中常自裕請益
山東巡撫朱大典兵令并力賊偵知之八年正月大會於滎
陽老獍曹操革裏眼左金王改世王射塌天橫天王混十
萬過天星九條龍順天王及迎祥獻忠共十三家七十二營
議拒敵未決自成進曰匹夫猶奮況十萬衆乎官兵無能爲
也宜分兵定所向利鈍聽之天皆曰善乃議革裏眼左金王
當川湖兵橫天王混十萬當陝兵曹操過天星扼河上綴河
南兵迎祥獻忠及自成等略東方老獍九條龍往來策應

陝兵銳益以射塌天改世王所破城邑子女玉帛惟均衆如
自成言先是南京兵部尚書呂維祺懼賊南犯請加防鳳陽
陵寢部議格不行及迎祥獻忠東下江北兵單固始霍丘俱
失守賊燔壽州陷潁州知州尹夢鼇州判趙士寬戰死殺故
尚書張鶴鳴乘勝陷鳳陽焚皇陵留守署正朱國相等亦皆
戰死事聞帝素服哭遣官告廟逮漕運都御史楊一鵬棄市
而以朱大典代大徵兵討賊方是時賊猖獗甚大書職志曰
古元真龍皇帝大飲合樂自成從獻忠求皇陵監小閹善鼓
吹者獻忠不與自成怒偕迎祥西趨歸德與曹操過天星合
復入陝西而獻忠獨東下廬州承疇方馳至汝州命諸將左
良玉湯九州尤世威徐來朝陳永福鄧玘張應昌分扼湖廣

河南鄖陽諸關隘而召曹文詔爲中軍文詔未至玘以兵亂死迎祥自成從終南山出大掠富平寧州老猗猗張獻忠曹操蝎子塊過天星諸賊聞承疇出關先後皆走陝西焚掠西安平涼鳳翔諸府屬千里無人迹承疇亟還救分遣諸將擊老猗猗等而令副總兵劉成功艾萬年擊迎祥自成於寧州萬年中伏戰死曹文詔怒復擊之亦中伏死羣賊乘勝略地火照西安城中承疇力遮之涇陽三原間決死戰賊不得過於是獻忠老猗猗等自他道轉突朱陽關守關將徐來臣軍潰死尤世威中箭走羣賊皆出關分十三營東犯而迎祥自成獨留陝西時鄖陽撫治盧象昇已改湖廣巡撫晉總理直隸河南山東四川湖廣軍務矣乃詔承疇督關中象昇督關

外而迎祥自成亦分兵迎祥略武功扶風以西自成略富平固州以東承疇遣將追自成小捷至醴泉賊將高傑通於自成妻邢氏懼誅挾之來降承疇復身追自成大戰渭南臨潼自成大敗東走迎祥亦屢敗東踰華陰南原絕嶺與自成偕出朱陽關合獻忠等冬十一月羣賊薄閿鄉左良玉祖寬禦之不利賊遂陷陝州進攻雒陽河南巡撫陳必謙督良玉寬救雒陽獻忠走嵩汝迎祥自成走偃師鞏縣因略魯山葉縣陷光州象昇擊敗之確山九年春迎祥自成攻廬州不拔陷含山和州殺知州黎弘業在籍御史馬如蛟等去攻滁州知州劉大輦太僕卿李覺斯堅守不下象昇親督祖寬羅岱楊世恩等來救戰於朱龍橋賊大敗屍咽水不流北攻壽州故

御史方震孺亦堅守折而西入歸德境復爲邊將祖大樂所破走密登封故總兵湯九州戰歿賊乃分道犯南陽裕州必謙馳入南陽防禦而象昇復援裕使大樂等擊賊殺迎祥自成精銳幾盡迎祥自成遂由此分部再入陝迎祥由鄖襄趨興安漢中自成由南山穿商雒走延綏犯鞏昌北境諸將左光先曹變蛟破之自成走環縣未幾官軍敗於羅家山盡亡士馬器仗總兵俞翀霄被執自成勢復振進圍綏德欲東渡河山西兵遏之復西掠米脂呼知縣邊大受曰此吾故鄉也勿虐我父老遺之金令修文廟將襲榆林渡無定河水驟長賊淹死甚衆乃改道從韓城而西時總理象昇及祖大樂祖寬等皆入援京師而孫傳庭新除陝西巡撫銳意滅賊秋七

月擊迎祥蓋屋俘獻闕下磔死賊黨乃共推自成爲闖王是
月犯階微未幾出汧隴犯鳳翔規渡渭河十年犯涇陽三原
蝎子塊過天星俱來會傳庭督變蛟連戰七日皆克蝎子塊
降自成偕過天星奔秦州入蜀陷寧羌破七盤關陷廣元總
兵侯良柱戰死遂連陷昭化劔州梓潼江油黎雅青州等州
縣劔州知州徐尚卿吏目李英俊昭化知縣王時化郾縣主
簿張應奇金堂典史潘夢科皆死進攻成都七日不克巡撫
王維章坐避賊徵十一年春官軍敗賊梓潼自成奔白水久
之食盡承疇傳庭合擊於潼關原大破之自成盡亾其卒獨
與劉宗敏田見秀張蘧李過李雙喜谷可成張世傑李彌昌
任繼榮任繼光王虎劉文魁等十八騎潰圍走竄伏商洛山